



阿姆个新衫

打開阿姆个衫櫥，不管哪時就有一列新衝衝个衫吊等，這兜新衫，大部分係老妹買个。阿姆長下念，著(zhog)毋去恁多，毋好再過買哩，老妹聽著，總係目珠眶紅紅，毋過，還係一領過一領緊買，麼儕勸就無效。

「阿姆為著佢，幾下十年來毋識靚過，佢買較多新衫分佢著，也無辦法補償佢對佢个虧欠。」這係老妹个理由。

原來阿姆降老妹个時節，月仔肚食毋著(chog)東西，一個面變到紅紅腫腫，又痠又痛，一爪就爛皮。阿爸渡等阿姆哪仔醫往(gong)轉就無辦法醫好，尤其天時一熱，還較艱苦。阿姆个面，在該時開始就毋識亮(lang)過，還衰過！該年佢正二十六歲，還係當愛靚个年齡啊！

「佢後生時面項發幾隻長薯仔，就無麼个敢見人，阿姆，你還勇敢喔！」佢將心比心講。頭擺佢兜還細時，阿姆毋肯提起佢个面仰會恁樣，到較大，變成佢兜驚阿姆難過毋敢提起，一直到阿姆多歲咧，事情也過忒恁久咧，大家正敢講起。

「一個面變恁樣，先先(sen` sen`) 佢乜毋敢出去見人，毋過，屋下做生理，愛掌店，總做毋得歸日罔在間肚。下後，你兜讀書咧，佢又愛去學校參加你兜个母姊會、運動會，該下，斯刻耐仔去喔！毋過，也好得你兜恁增志，分佢盡大个勇氣，佢去到學校，先生膠家長總係阿腦你兜盡乖、讀書盡識，佢當有面子哪，哪會想著自家个面仰般！」阿姆像無事人樣講。佢越堅強，佢兜子女就越毋盼得。

隨等日仔過去，阿姆面項个毒排較淨咧，除了嘴脣以外，其他位所好會摯咧，可惜，阿姆最寶貴个青春也過去咧。看等一衫櫥又新又靚个新衫，雖然換毋轉阿姆个容貌，毋過，佢代表老妹對阿姆个感恩摯痛惜，也紀錄等阿姆為子女偉大个犧牲。

作者：張美容

☆詞彙學習☆

【新衝衝仔】sin` chiung` chiung` er：很新的樣子。

【月仔肚】ngied` er du`：產婦做月子中。

【又痠又痛】rhiu+ hoi rhiu+ tung`：又癢又痛。

【長薯仔】zhong` shiu er：青春痘。

【先先】sen` sen`：起先。

【刻耐仔】kad nai+ er：忍耐著。

【讀書盡識】tug` shu` cin+ shid：很會讀書，成績很好。

☆文法學習☆

【幾下十年】gia+ shib` ngien：好幾十年。幾下(gi` ha+)一詞合音為 gia+。

例：佢幾下(gia+)年無出國寮咧。(我好幾年沒出國玩了。)